



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. VIII. Quid sit impinguari locustam apud Salomonem in Ecclesiaste?
Panis odium in valde decrepitis mortis propinquae signum.

urn:nbn:de:hbz:466:1-13245

καὶ γελοιότερον εἶπεν) ἀρρωστέμενον τῇ πόλει ὑπὸ τῆς θεᾶς,
ῶστε ἵππῳ μεγάλῳ μὲν καὶ γενναῖῳ, ὑπὸ μεγάθεος ἡ νω-
θρολέω, καὶ δεομένῳ ἐγένεται ὑπὸ μύωπός τινος. i. Si e-
nīm me interficeritis, hanc facile alium talem reperietis, vere
quidem, (etsi forte id dictū ridiculum est) civitati vestra a
Deo adhuc tum, velut cuiusdam magno & generoso equo, sed
mole ipsa priore atque calcaribus excitari indigent. Hæc mea
super hoc philosophiæ parentis jusjurando, conjectura
est; de quo, si quis meliora reperit, sequatur.

CAPUT VIII.

*Quid sit impinguari locustam apud Salomonem
in Ecclesiaste? Panis odium in valde decrepitis
mortis propinquæ signum.*

 Uod Socrates de libro Heracliti obscurissimo
dixit, huic esse opus Delio narratore, pari jure
affirmari potest de Ecclesiaste Salomonis. Adeo
enim plerisque in locis sensum involvit, ut,
qui hæc tam inenodabilia expedire studeat,
morbo animi potius, quam judicio, hujusmodi labore
fuscipere videatur. Quia tamen in egregiis incœptis vel
conatus laudari solet, &, ut proverbio dicitur, in ma-
gnis voluisse sat est: quando, inquam, pedum visa est
via, cum aliis hic insanire haud pudebit. Salomonis verba
hæc sunt de supremo vitæ tempore & exitu: *Floreat amygdalus, impinguabitur locusta, & dissipabitur capparis: quoniam ibit homo in domum aeternitatis sue.* Heic tria sunt æ-
nigmata: primum de canitie exponunt, quæ amygdali
flore adumbrantur: alii de mandendi potentia. Cum enim
decrepiti senes dentibus careant, nullum solidum cibum,

nendum *amygdalum* ore comminuere atque conficere pos-
sunt. Tertium quod est *capparis dissipatio*, *appetentia* in
ultima ætate *extinctionem* interpretantur. utrumque proba-
bili satis conjectura. In secundo autem, de *locusta bona*
habitudine & mole, nemo mihi, ne ipse quidem Hieronymus
vir doctissimus satisfacit. verba, quæ ad rem pertinent,
adscribere placet: *Per metaphoram* (inquit) *etiam nunc*
de membris hominis Ecclesiastæ sermo est: *quod cum sene-*
ctus advenerit, capillus incanuerit, tumuerint pedes, libido
refrixerit, & homo morte fuerit dissolutus, tunc reverte-
tur in terram suam, & in domum aternitatis suæ. Idem tur-
sus, de *locusta*, quam Hebræi *chagab* vocant, voce am-
bigua, sic: *Indicat senum crura tumentia, & podagræ tu-*
moribus prægravata. Non quod omnibus senibus hoc fiat, sed quod
plerumque accidat, συνεδοχικῶς, a parte, id quod totum est,
appelletur.

Hieronymum alii fere omnes sequuntur, præter *Valesium*,
medicum inter recentiores non incelebrem, qui in libro de
Sacra philosophia aliam affert interpretationem: quam item
subjungere visum est, ut judicet lector: *De marina locu-*
sta intelligi debet: *ea est in animalibus ostracodermis, hoc est*
testacea crusta tectis. *Senibus ob siccitatem siccatur, durescit*
que cutis, ac proinde locustis conferuntur. *Pcrindeque est, di-*
cere impinguabitur locusta, ac si diceret, crescat callosa duri-
ties in cute, quasi locusta crusta fiat. Neutri accedo. non
Hieronymo, pedum senilium tumorem interpretanti, quod
multos senes eo morbo affligi contingat: atqui & multos
nondum senes eo prehendi constat. Pueris enim exce-
ptis, quos Hippocrates in *Aphorismis* οὐδαγέτε negat, ce-
teras ætates, ubi caussa in corpore subest, infestat. Præ-
terea quot alia incomoda non minus gravia senectutem
premunt? quæ ergo ratio est, cur ceteris prætermisssis una
podagra memoretur? Tum Hieronymus non videt, non
de morbis loqui *Salomonem*, qui læpius quidem senectu-
tem

MISCELL. OBSERV. CAP. VIII. 281

tem, quam alias ætates infestant, tamen abesse possunt, sed de incommodis, quæ necessario & inevitabiliter morti proximos, & silicernia ipsa comitantur; quod genus est, oculorum caligo, surditas, inermes gingivæ, stomachi marcor & appetitus prostratio, & alia id genus, quæ nemo eorum, quos senectus ad mortem dicit, vitare potest, quia fatali naturæ prolapsu ac forte mortalium trahuntur. Postremo, quid *locustæ* cum *pedum tumore*? vellem mihi hujus analogiæ ac similitudinis rationem explicari.

Sed neque assentior *Valesio* ibi *nitorem locustæ* in cutis siccioris callosæ argumentum trahenti. Quæ tanta, cutis humanæ durities esse potest, ut sit comparanda cum munimento eorum aquatilium, quæ quod *cutem instar testæ* solidam habent, Græcis ὁρανόδερμα dicuntur. Scio animam apud *Platonem* corpori concreto alligatam dici, haud aliter, atque ostrea suæ est testæ affixa. Sed non ibi est similitudo, quod testæ proprium, in ariditate & duritia terrestri, sed in adhæsu animæ ad corpus caducum, ut non minus carni alligata intelligatur. Præterea vix *locustæ* nomen sine additione positum de alia, nisi de terrestri intelligitur: si de marina erat sermo, epithetum additum oportuit. Quam porro insolens, improbum & portentosum dicendi genus, *pinguem fieri locustam*, ut intelligatur humanam *cutem siccari*, ac nimia siccitate durescere in *callum*. An qui sic loqui instituat, hominem esse, aut velle intelligi credamus, ac non potius abuti oratione & nugari?

Quid est igitur ibi *impinguari locustam*? vera expositio petenda a maleficio ejus insecti, cum agminatim in aliquam regionem se convertit: atque agris incumbit. Segetes enim irremediabiliter vastat, ac messium spem prorsus omnem intercipit; ex quo incesse est famem non multo post consequi, hominesque frugum inopia tabescere,

cum tunc *locustæ* pabuli ubertate gliscant multum, ac mole augeantur. Hinc lux *Salomoni*. Nam cum senes eo imbecillitatis processerunt, ut ne panem quidem, maxime familiare homini alimentum, usurpare possint, sed ipsum cum aliis cibis aversentur; tunc profecto iis, eorumque respectu *locustæ impinguari* dici possunt. Perinde enim cerealis alimenti ope ac subsidio carent, ac si plane locustarum exercitus agros vastasset: parum quippe interest, quod ad corporis refectionem attinet, aliquis pane omnino careat, an habens, uti non possit.

Quod hæc recta sit *Salomonici* ænigmatis interpretatio, alias ejusdem in *proverbiis* locus indicat cap. 22. *Dicit piger, leo est foris, in medio platearum occidendum sum.* in eum, qui præ socordia & mollitie sic te^cto excedere metuit, ac si foris viæ omnes leonibus infestæ essent. Non absimiles & apud exterios scriptores figuræ occurrunt. *De panis odio,* in iis, quos longa ætas metæ admovit, constat experientia; meminique me legere in vita monachi illius clari, quem sua lingua Itali *Fra Polo* vocant, hunc lento morbo deficientem paulo ante obitum tale odium panis percepisse, ut ne aspectum quidem ejus ferre posset. Quo signo, ut mentis ad ultimum compos, se morti proximum ipse intellexisse dicitur. Nec immerito. nam quemadmodum homo benevalens, nullo libentius cibo, cum esurit, vescitur, quam pane, hujusque solius alimenti consuetudo nunquam offendit, quo esse familiarissimum homini intelligitur; sic corpore in contrarium ei, qui secundum naturam, statum prolapsu, atque alienato, necesse est eum cibum, qui naturæ incolumi sit gratissimus, prostratae fieri odiosissimum. Quem extreum in sene decrepito virium defectum hoc *pingue* *scantis locustæ* ænigmata adumbratum a *Salomone* putamus.

C A-